

ПӖСЬ ПЫВСЯН *

Пывсян йылысь уна тӧда,
Коркӧ ӧтчӱд тайкӧ пӧда
Ичӧт дырйи ме
Пывсян вӧлі лунысь лунӧ,
Мамыд сьӧрсьыс пыр нин нуӧ,
Век кӧть горзы тэ.
Талун миян, аски мӧдлӧн...
Мед тэ пывсян, кӧть нин кодлӧн,
Быд лун петӧ тшын...
Баба чукӧр сэтчӧ зильӧсь,
Каждӧй недель корӧсь выльыс...
Эм тай налӧн вын...
-«Матрен тьӧтка, Дарья, Ӧдя,
Пывсян ломті - чӧскыд ӧдья...
Он кӧ локтӧ - ньӧр!»
Миян дінын сэтшӧм мода,
Баба шӧтас - ме нин тӧда,-
Пуксьыны он тӧр.
- «Наталь ичинь, ӧдсӧ койышт!
Коді бӧрдӧ, горьяс тойышт,-
Сэті сылы туй...
Кунва уна - юртӧ мыськӧ,
Пывсьӧй ёна, мыштӧ кырсьӧй,
Коскад эд оз сюй...
Вася, юрйывсӧ тэ тупкы...»
- «Ойя, сотӧ... мамӧ, дугды...»
-«Он-ӧ ешшӧ бӧрд!
Сідзи ёна пывсьӧм бӧрын,
Ичӧт мортыд муртса вӧран,
Яйыд би кодъ гӧрд.
Кулясны кор ӧти-мӧдӧс,
Сёрни-басни налӧн мӧдас -
Варовмасны пыр.

Мукөд баба джоджө водас,
Сэсся гөлөс налөн содас...
Сёрнитасны дыр...
Өти шувө: - «Тавой вөтөн
Мырси мисьтөм сюра сөтөн,
Чужөмыс дзик са...
Кызкө эз өд вермы виныс,
Сэсся вөтыд пыр и иніс:
Садьми - бокөй... ва»
- «Ыджыд виддзыс таво кузь-ө?
- Тонө Наталляыс узьө...
Аттө, коньөр морт!
- «Ыджыд луныс кутшөм лунө?»
Пөрысьыдлөн пыр и вунө,
Колө гу да горт...
- «Кывзы, моньыд толькө кулі,
Төрыт питө гозйөн сулі...
Коркө сійөс кый!»
- «Корасьө пө Стакөй Петыр,
Сылы мый нө колө гөтыр?!»
- «Миянлы нө мый!»
- «Сійө мый на, ме вот төда:
Өльөш гөтыр пиөн рөда -
Вайис витөд пи...
Енлы кевмө, енмыс сетө,
Мужик прамөй - кынөм пөтө,
Сідз кө эськө ми...»
- «Дашкө, чайтад, меным любө?
Өтчыд каститчис кызз буба...
Воча ки ме - швач!
Сідз пө колө, шуліс төдысь...
Буба вөлөм полысь рөдысь-
Котөртис без гач...»
- «Енма муын быдтор овлө:
Митрей пывсянысь пө повны,
Повны колө нэм;

Сэтысь казялөма уна
Пасьтөм мортос дзик вед луна...
Гажтөмыд сэн эм...»
-«А со кывзöй менсьым сэсса,
Тöрыт висьталіс Педөсса,
Чурка Тима ныв,-
Кутшөмкө пö странник ветлө,
Бабаяслысь шева вөтлө -
Лыддьö бур нимкыв
Кодсюрöлысь чаньяс кодзö,
Олөм йылысь тöдö водзö...
Паськөмыс пö ку...
Му вежөм пö, шувö, матын...
Илля луныд дзик нин татөн,-
Сэк пö вежас му...
Антикрисст пö вед нин ловья...
Оз тай тшөкмун, вежа войя...
Синмас эськө тув.
- «Сідзкө, збыль жö... Ме тай шулі...
Шонді ветлө таво улі...
Он öд со и кув.»
- «Мөскыд кукьясис нин, Пекла?»
- «Чöv тэ, тыртөм сійö век на:
Ылөдліс выль сват...»
- «Он тай кинад сійöс көлышт...
Миян чипан вайö гöлыш,
Гөгөрбок сё мат.»
- «Мыйкө тай нö юрöй висьö...
- «Муналам вай, энö усьö,
Кольмөмыд эд лёк...
- «Ыджыд атгьö, Зөтиковна,
Ен тэд сетас дырджык овны...
Рыттö пукны лок...»

Со, и пывсян. Мыйяс кывлі -
Медбур сёрни баба-нывлөн

Менам оз вун нэм.
Сёрнитисны унатор на:
Адтö, райтö, дöра пона...
Юраныс мый эм.

* Медводдзабысь печатайтöма 1924 воын.

Коми му. - 1924. - № 3. - С. 69-70.